

無依道人錄

五下

C40
4514
(157)

C40-4514

了翁上座請大藏及有
家書單之武州葉雲山
我微英壽院庶府中永
為學子者不敢許出院內
常門二世鐵牛機謹誌



D. 64853

序

居士而荷擔法任者。于迦文之世有淨
名於達磨之世有楊銜之。於馬祖之世
有龐蘊。宋元以來。名卿哲匠。或奕葉相
承。或拳踢互應。語載傳燈僧史。昭昭然
不可誣也。其卓然而傑出者。如何密菴
付法田素菴。素菴付法緬流衣鉢相繼。



七葉而愈光。蓋佛祖之所重者在法。法
之所在。雖總持尼。凌行婆。俞道婆。輩舉
足以顯揚提唱。爲千古偉人。至今存其
語言。如金鎖玄關。得其蘊者。謂之眞參。
實悟。稍一疑滯。則銀山鐵壁。聳之面目。
前矣。此無依道人之所以承先啓後。獨
擅美於今日也。道人爲世名儒。腹笥百

城風範。一世牙軸之嚴整。子裔之誦傳。
鄴架王庫。殆不是過。及其棄公車而圖
佛乘。若將以天假之年。爲法門作于城
者。備美之地。必言到而行隨之。富有日
新。孳孳不倦。宜其法源壽域。岌業汪洋
矣。道人多著述。辯博典故。則有鑑燦芳
華。諸書宣揚教海。則有法華金剛諸註。

游泳藝林。則有孔孟周易諸解。流演宗乘。則有指南醒世諸刻。莫不珠燦玉輝。洞徹源底。至于無依一錄。則道人之現居士身。而闡揚少室不傳之祕者。故其爲語。去華存實。去囂存樸。不殊博雅如道人。豈不能剪削雕刻。爲趙華葉。龍以銜耀人耳目。如近代之宗匠云哉。道人

蓋深悉大法之不在形言。不過聊爲指注。以廣化同流耳。于是夏念授受之不可自我而斬。然也。垂絲擲釣。乃有衝浪如錦鱗。然者。故慨然以千鈞之任付之。道人可謂不負佛祖與本師而爲傳燈會中人矣。行見燈光刹影。亘世無窮。又豈特密菴之七葉而已。

昔

大清康熙歲次丁未七月既望南村嗣

祖沙門僧鑑拜撰

蓋將悉大哉之不亦沃言不嚴限

無依道人錄

武原無依道人徐昌治觀周甫著

南村鈞雪氏僧鑑刪定 嗣法比丘超悟錄

付法始末

此道人自叙其入道之由。與付法之所源起也。道人為老叅鉅儒。文集而外有語錄。語錄得法後之所著述也。故叙道人錄者。始之以付法之顛末。而偈與頌次之。叙與誌又次之。書與記又次之。故凡語句之無關於佛乘者。槩不與錄。而道入汲汲為

無依道人錄卷上

法之心。于是乎純一不雜。卽爲道人之後者。亦可
知所取法矣。僧鑑題

余自少至壯。日以佞佛禮僧爲第一義。而未嫻于法。
迨戊辰。隨僧濟公謁密雲老人。命名通昌。時老人王
化金粟。法道初闢。予雖聞提撕。茫茫不知落處。閱已
已庚午。老人出山。石車禪師嗣之。此年余始齋僧施
茶。石師時過余。荷其策勵。一啓口皆鉗鎚。雖不能洞
曉。然心未嘗不殷殷嚮往也。相與七閱春秋。如同一
日。石師順世。法堂席虛。戊寅秋。因率諸檀護公請本

師費隱老人繼席冬杪。卽有查姓偷塋粟山頂穴一
事。隣近百人。衆共擊逐。遂遷怒寺僧。鳴官在逞。費老
人曰。堂頭事也。與衆何預。單身對簿。適大雨。余冒濕
拉同袍。挈庠友。代白署篆魏公祖。魏躬迎本師入賓
館。有加禮焉。狀牌立銷。次聞府間有行。余入禾謁當
事。一一水釋。叢林輦而法幢振。此實始基之。己卯。密
老人以天童事故出山。抵白下。予致書寧波馬總臺
爲之婉達。諸當道。語載致馬書中事旣調攝。老人擬
歸天童。路經禾干。余隨本師往迎。蒙入金粟山聚談

數日受命輯闢邪集一帙。老人蓋深知昌之衷曲。素直。故以此書委托如此。庚辰。冊務浩繁。本山飯僧田暨寺基約百畝。余集收字圖七甲代爲免役。壬午大荒。余手捧鉢盂募糧募金。殫厥心力。所獲既豐。稍稍活衆。癸未。猶未稔也。勸緣如之。甲申。助買南房數間。助買園地二畝。年齋僧二次。乙酉迄丁亥。本師赴天童。請百師處首座寮。爲弋人所慕。戊子。有不利老人者。浪傳金粟爲天童下院。老人不平。不遠千里。親詣金粟。徹底澄清。余于氣勝者。調以禮義。勝者決以道。

彼此矛盾便休。余力議嘗住不可一日無主。遂率衆檀護。合愛憎共筮之。韋天得百癡禪師繼席焉。本師因有不遇明公威德重。幾乎梵宇草莽之贈。嗣寧波。歉收。天童窘食。四方餉饋。皆余一人徧叩鎮官護送。開船。搜搶雖至。毫末不動。此蓋明明天助。非人力也。又有達人作用不尋常。手眼高明。見大方之贈。庚寅。余壽老人于福嚴。相訂同遊雲間。約畧五燈正續。蓋五燈一書。自紹定至今。四百餘禪。纂修無人。僧史闕畧。老人遠遡迦文。以至己身。輯彙成書。顏曰嚴統。

命百癡兄董其事。而予與同門李公士材實始終之。復苦刻資莫繼。其續燈五卷。二百二十餘葉。余獨力刻成。辛卯秋。一友以乃公曾售田金粟。拉知戚與百師議贖。余曰。君之父產不可棄。獨不爲百師地乎。此田百師祖業也。亦當相體權宜者。內取六畝。退作加價。畢竟虧損常住。于心弗安。余將附近金粟田六畝補之事。雖名爲常住。實所以安百師也。後百師以他客行謀。拂衣出山。違予初心。故田亦不補。百師出山後。法道凌夷。而此山遂成郵遞禪取所矣。壬辰暮春。

費本師過余。集米百石。余送至徑山。盤桓七日。古今機緣頗多。商確因嚴。統未竣。又助刻正本百葉。及著徑山志序。老人喜而賜杖。且銘諸杖曰。觀體現前。描画不得。妙運超方。了無羣惑。指點人間。疏通正脉。又書贈曰。立地頂天一丈夫。儒宗釋典旨相符。年來體道深深喜。官把瞿曇擔子扶。余婉笑辭曰。高天厚地之恩。敢同木石。竊念閉門造車。出門合轍。謬許肩荷。幸脫羅籠。老人欣然曰。不惟其名。惟其實。便是竿頭更進處。遂贈一號。號無依道人。嗣後益蒙垂注。辭之。

無作通川錄卷上
不得至丙申春仲於虞山維摩室中受付囑焉

偈頌

余晚年入道。宜繁自修。遇古人之善言懿行。有合於本分中者。時爲拈頌。以自寫所得。雖不敢名爲了手。亦不甘自蒙蔽。以少昧其生平。故自得法。以至今日。卽茹齋盟佛。分置家業。與諸兒輩。存此已往之年。以報佛恩。宣法化。更不復預人間事矣。偈與頌雖不文。姑存以正諸同志者。

脫家

斷情須鐵。漢。勤。破。爐。中。雪。欲。了。何。時。了。一。決。罔。不。決。釣。雪。鑿。曰。截。鐵。斬。釘。手。親。眼。辦。非。大。了。當。人。不。能。作。此。語。他。日。續。傳。燈。而。集。著。作。只。此。偈。可。當。之。

分家示五兒

初祖一花開五葉。子家內外喜同轍。庭前各衍舊風雲。笑傲乾坤展大業。

百癡元曰。西來大意人人有。誰家竈內火無烟。

祭學

了知佛法無多子。切莫依稀辨朱紫。說到無言可說。

處。當。天。明。月。非。關。指。

百。癡。元。曰。悟。真。言。的。大。有。過。人。處。

護法

法。周。沙。界。賴。人。傳。徧。地。紅。爐。熾。火。然。更。藉。添。薪。蓮。社。侶。人。人。出。手。護。真。禪。

釣。雪。鑑。曰。不。惟。自。護。且。教。人。護。佛。法。從。此。不。衰。矣。

本師輯五燈頌以記之

不。分。東。土。與。西。天。法。脉。相。承。那。用。參。有。正。有。旁。須。驗。過。當。前。一。指。是。司。南。

天。王。傑。出。又。天。皇。南。嶽。青。原。各。續。芳。標。轉。雲。初。當。日。謬。於。今。正。派。凜。如。霜。

薪。傳。燈。續。信。奇。哉。明。眼。應。須。契。本。來。瞿。老。非。前。今。豈。後。任。人。衍。法。任。人。開。

五。峯。金。粟。出。天。童。鉢。鉢。相。承。奕。葉。隆。透。得。室。中。無。味。話。曹。溪。未。到。路。先。通。

費。老。人。曰。大。有。衲。僧。氣。概。

和。曾。明。禪。師。牧。牛。圖。頌

未。牧



頭角未露一聲喙。自在縱橫去路遙。黑白始分牝牡。相生來柔順長靈苗。

初調

順性今朝也受穿。何煩童子又加鞭。繩頭在手隨時轉。到處風光不用牽。

受制

踏着溪山便騁馳。朝行暮宿緊相隨。休貪水草東西路。奔走能生兩足疲。

回首

捩穿鼻孔始回頭。不是天生稟性柔。早勉加鞭還策勵。烟雲客路莫停留。

馴伏

不分內外與中邊。束縛無拘意灑然。信步行來皆坦道。騰騰任運漫勞痊。

無碍

萬別千差性本如。超羣惟此總無拘。一身負荷皆全力。本分何曾有欠餘。

任運

息肩還得臥雲中。渴飲饑餐處處同。物我盡捐知解
淨。本無南北與西東。

獨照

法外無心心亦閒。不留轍迹在人間。揚眉瞥爾開雙
眼。焰徹銀山鐵壁關。

雙泯

隔牆清聽絕無踪。形影孤寒照碧空。但見皇封成一
片。稼苗不犯草叢叢。

釣雪鑑曰。提唱本分。顯露巴鼻。日久功深。一此不

懈。觀翁其真牧牛者與。梁山普明大有知音矣。

閱世有感

人世難逃受苦煎。那從火裏蔚青蓮。瞥然充溢天池
水。徧界光華享大年。

次韻示諸禪客

滿眼祥光碍膺絕。塵勞堪嘆沒休歇。三三兩兩氣香
吳。各吐珠璣如落葉。

贈金粟百禪師卽次前韻

煅煉紅爐火不絕。一丹到手羣情歇。等閒拈出好風

光抹殺西來駕一葉

除夕

世途擾擾竟何之。欲了弗了了亦癡。箇事不隨華歲去。剗那千載阿誰知。

歲朝

萬古恆嘗一旦新。物華搬運舊時春。韶光雖向人情換。不識何人契本真。

元旦步沈菁莪韻

紛紛慶賀古今然。孰溯清流返濁泉。獨有達人明本

質。歲華不改永堯年。

四威儀

山中行。八十氣盈盈。畧豹分明都歷過。後架洗腳別有因。

山中住。面壁意專注。堦前立雪安心時。風吹塙墜歸何處。

山中坐。瑞草敷猊座。法輪轉展樹下垂。一指拈花真笑破。

山中臥。雞足何時寤。袈裟守護百千年。覆去翻來獨

唱和

鈞雪鑑曰。四威儀頌。石屋高峯錄中有之。蓋林下
人工夫無處不在。故作此以驗其底蘊也。觀翁年
甫九十而不衰。更能于日用中檢點若此。且其爲
語儼然本色。老衲。滿滌文人習氣殆盡。非工夫純
粹者。詎易臻此。

胡宣子詰祝仲基本分內有偈。無偈話草答
偈。到忘言思慮絕。不通一線怎休歇。試看曉日麗中
天。光明何處不漏洩。

又

有無不爭好與醜。本分豈人所拘守。單刀直取顏良
頭。百萬軍威都了手。

望日遲明

光射帳中非是月。禪機達且轉超越。參得心空及第
歸。何如不第且休歇。

無依道人昌傳南嶽正宗三十五世費隱容老和
尚法。自丙申以來。參透自己。無悟無迷。爲法求人。
如饑如渴。肩擔十年靡刻弛。遇緣一旦始欣傳。徹

見綠野上人諱超悟誠信端慤寸步罔越謹守既
有餘恢拓無不足遂以拂子一握囑以表信偈云
佛祖淵源流脉長燈燈續焰法輪揚探籌從不分緇
素甘露重開轉澤梁

又勉勵一首

徧野郊園有脚春綠雲靜靄任天真身膺法道無餘
事力挽頽風是至人

和吳萬爲誦百和尚出山韻

去來何用毒相攻室內操戈總是空
曳屣飄然擎日月達人何處不潛踪
堪笑昔人眼不開妄仇龍象攪獅臺
佛家自有安身法枉伴浮棺去復來

粟山延藏百餘年經到俄聽有訕傳
共爾一身爲去住情狂端不識真禪

是日子適請藏經至

雲迹深藏匝竹菴祥光紫氣透澄潭
宗風動地無高下瓢笠隨身有指南
百師昔憇錫梵勝菴

孤雲兄繼百和尚住持金粟作偈相招次韻答
意

忮舞清規高百丈。驚聞洒掃舊苔痕。風光到處皆流
映。莫使孤輪旦復昏。

答蔡子毅送木老法叔入院偈

金粟堂中老國師。陽春賡唱正其時。當年同調今非
昔。早不推心漫怨遲。

附原偈

大唐國裏無禪師。花發優曇古佛時。孤掌何如雙
拍板。秦溪擊檝勿遲遲。

頌本師費老人

道豚千秋仗仔肩。光輝徧界我翁宣。蓋天蓋地奇男
子。亘古亘今大聖賢。不誇神駿支林重。已占蓬門三
國先。從此相承師範遠。英英繡虎解忘筌。

除夕次韻

一年光景去如梭。隔歲銅催又若何。斗柄光從五夜
轉。書雲節又四旬過。含元殿裏笙簧沸。野老村中爆
竹多。獨有至人回造化。此時也唱太平歌。

輓破顏和尚

振鐸吾鄉十載餘。婆心一片更誰如。三秋猿哭秦峯冷。一夜鳴鳴法席虛。脚下仍多獅象侶。寰中剩有水雲居。依然此日瞻遺範。腸斷魂銷孰念余。

輓百癡和尚

等閒擲去杖成龍。嘆息斯人不再逢。佛法我慚張運使。文章君是悅雲峯。方欣念載知交舊。詎意孤龕雲霧封。剩對西風揮老淚。昏衢光燭與誰共。

立夏日登凌霄峯

踏遍松杉路側崎。諸峯頂上摘芳薺。靈禽力弱踪難

到道叟情狂策縱隨。洗硯池中弔蘇子。碁盤石際探芝眉。凌霄登盡空雙眼。匝地宗風歷攬奇。

金粟百癡禪師曰詞端旨確骨古調清當與師川大年輩並垂不朽。

月影

午夜流光光映身。當頭覩見人非人。堦前雲度添長蔭。臺上花移舞短紳。來去依稀漂白浪。晦明彷彿露清神。柳梢描出娑婆像。斜望西樓蕉兔真。

步潛夫李年兄梅花韻

無何道人錄卷上
消息單傳雪嶺神。繁華刊落露清眞。馨香一段含生
意。氷骨千秋顯出塵。月夜歛斜疑碧漢。龍頭放笑
征人。自從瞿老親拈後。在在分明總是春。

步子建王年翁晴泛韻

碧水韶光劈面開。滄溟西泛一葦來。吳山勝境翻新
象。春洞桃花麗舊苔。寂歷禪心推拾得。逍遙千古頌
浮杯。吮毫難寫坡堤意。策杖還誇曼五臺。

拈頌

鈞雪鑑曰。拈與頌。唐宋諸大老舉有之。張無盡托
鉢頌。蘇長公上佛印頌。計國夫人念經頌。張拙秀
才悟道頌。大畧不事雕飾。直寫本色。心印心。法印
法也。他如圓悟之碧岩。萬松之評唱。言深意晦。隱
索深鉤。使淺近人莫由窺其邊際。無惟乎有少林
提唱諸公。從而義理之也。觀翁學佛。而能以平易
之詞。指示後學。心法雙彰。語默路絕。眞可與唐宋
諸君子握手矣。

打牛卽是打車卽是公案

頌云把柄都在手縱橫得自由。纏織俱淨盡何處覓車牛。

趙州勘破臺山婆子公案

頌云婆勘阿師不在鷲直州勘婆子不在臺山各勘本來面何曾別問津。

牽牛向谿東放不免食他國王水草。向谿西放不免食他國王水草。不如隨分納些些公案。

拈云本分一着一生受用不盡唯隨分而納方免非。

分而營

自從胡亂後三十年不曾少鹽醬公案

拈云將謂有本可據調羹尚少滋味在。

如人上樹口銜樹枝手不扳枝足不踏樹樹下

有人問西來意不對則違他所問若對又喪身

失命公案

頌云。句下無生忍。臨機藉指南。西來恁麼意。開口告人難。

有句無句如藤倚樹。樹倒藤枯句歸何處公案。

無何道人錄卷上
頌云。擬議却從言下起。倚牆傍壁轉轉生。直得有無
雙遣。葛藤斬盡。馬前相撲。一倒便休。休。休。舍元殿裏
覓長安作麼。

今晚一覺睡。來日是新年公案。

着云。曙色未分人盡望。及乎天曉也尋常。

果悟則一一不着問人而自明公案。

拈云。千峯勢至嶽邊。萬派聲歸海上。是他家裏人方
諳。這般說話。且道那箇是家裏人。良久云。又來問我
那。

僧問慧力昌禪師云。佛力法力。卽不問如何。是
慧力。昌云。踏倒人我山。扶起菩提樹。玉林別云。
喫官酒。臥官街。當處灰。當處埋。木老人拈云。高
高山頂立。還他慧力昌。深深海底行。須是我報
恩法。兄始得。但一人入佛而不能入魔。一人入
魔而不能入佛。老僧則不然。山月如銀。牽老興
閒行。不覺過溪西。

頌云。識透上頭關。鐵鞭都打碎。呵呵。呵。人我不容立。
菩提何處栽。魔佛亘古判。優曇火裏開。

園悟老人答大慧有句無句公案
頌云。描不成。兮。画不就。黑白分明絕體究。相隨來也。
話更奇。飛鳥歸巢各依舊。

禪如大海將鉢盂盛得些子公案

西江漫誇一口吸鉢盂如何難測海。不會箇中吞吐。
意忖度短長真可慨。

寫懷

無手人打無舌人無舌人連忙道箇不必概觀僧俗。
兮。暴。殄。真。不。必。世。翹。如。是。兮。冷。眼。亦。不。必。

別古

泥佛宜度水。蕩漾波光。彼岬砥。
金佛宜度爐。赤心片片。印森羅。
木佛宜度火。爍破乾坤。焰今古。

觀周口。趙州三不度。予謂三宜度。蓋古人委身飼虎。懸崖畢命。與夫析骨還父。析肉還母。俱以大休敬顯大神通。則三佛之度。正三佛之妙用云。

靜觀二首

未生前事。未生了。未來後事。未來了。現在十方雲去。
去。有。何。不。了。待。人。了。

世緣日日增。百歲不能了。識得無干涉。自心先了了。
步韻贈禪堂雲菴姪

物換時移不記年。逆順從無兩樣天。水平石出非無
會。雨驟龍翔別有緣。羨。侄。番。新。品。古。宿。節。承。訪。舊。話。
真禪。垂手闍。市如山。靜樹下。閒行何。不舛。

和韻贈蓮社心源法師

我昔親承瑞燭來。蓮花三度火裏開。自慚無德當靈
應。何意蓮社燦錦臺。佛室輝煌呈彩色。禪燈炫耀啟
聖胎。彌陀處處勤。指引爲報西方淨土階。

毒蛇世尊惡毒蛇阿難

俱答顧來初問

兩兩提撕情未替。福堂追繹太分別。不思本分真空
體。勤求傲語怎休歇。

乾矢橛

矢橛何曾值半文。將來擬議有何情。佛法無多原平
等。濁自濁兮清自清。

庭前栢樹子

眸迎栢子最分曉。覲面相呈真湊巧。佛本無前亦無
後。圖吞棗知者少。

和顧來初立夏送春韻

歲序如梭去不留。夏景初賁春未收。冷暖雖向人情
換。衰狂豈因代謝愁。密密生意隨時轉。隱隱禪心始
復周。盡知梅蕊消息好。誰道荷畔吐香稠。

代漚天法兄募米偈

道高何慮生不辰。休嘆禪和篋束身。杖駕瓢囊光日
月。法弘遠近六天人。塵塵歡喜開生面。鉢鉢頻添頓
巨仁。莫謂一漚酬有限。化躋光天遍屆春。

顧來初求不二門答云

不二無門徑。尋求亦無途。自心能了悟。復何一與多。

齋單

觀周曰。語云。人無壽夭。祿盡則亡。現前所見。如乙未
年。王玄冶。賈惺。常。賀仲嘿。吳聖水。及大侄伯玄。同時
相繼而歿。此諸君子。年尚可延。食正饒裕。而一時奪
則奪之。昔疑觀寺僧法慶。開皇三年。造夾紵釋迦立
像。高丈六。功未畢。慶遂卒。其日有寶昌寺僧大智。死
經三日而甦。白寺僧云。於閻羅王前。見法慶。甚有憂
色。少頃。見像來王前。王遽走下階。合掌禮拜此像。像
謂王曰。法慶造我。功未畢。奈何令死。王顧問一人曰。

法慶合死未答曰命未合終而食料已盡王曰可給荷葉俾終其福業大智甫說令於凝觀寺看之須臾之間遂見法慶甦活果甦後喜食荷葉以為佳味及歌餘食終不得下像成之後數年乃亡如是莫大功德料盡則死轉給則生可見多食不如少食濃食不如淡食也予自丙子除暮侍立父側父云我觀此分歲品物件件欲得而啖之竟若不容我啖者予聞而刺心二十年如一日今於八月十五日靜室落成禮誦法華尊經梁皇寶懺告申茹素隨著四弗箴曰弗

旨弗肥弗營弗暴庶幾哉弗求多便弗少弗求濃便弗淡無弗可以自勉無弗可以勉人正是紅燈焰焰空熒擾急急回頭早是遲

日汴耕叟吳憲跋

閱觀同居士此文勝開雲樓戒殺七則因憶韓晉公混有吏司冥錄一日對混云凡人食料具有記籍一品以上日支五品以上旬支六品至九品季支平常人歲支澆詰以我明日所食幾何吏曰但不可洩漏食品已定遂密寫御前食糕腹脹黃昏咬橋皮湯二盞啟看一不謬數之前定如此今人不能戒殺為口腹故狀滋味於我至輕性命於彼甚重識得祿盡則亡四字尚敢再窮水陸恣殺業乎馬同伯云昔萬羊丞相李德裕食至止少百羊遂戒殺偶人饋百烝羊雖堅辭竟數滿不辭

勸勉內人并悼亡

苦海無邊佛為度。彼岸登今孽不墮。意中了了斷諸
緣。有何功德不負荷。

錦繡世界一時收。逍遙路上別有秋。大地山河包不
盡。個事承當永不休。

一生行履汝週旋。笑談因果在目前。登時撒手分別
去。留下福田事事全。

丙助去矣我形單。好比麻油樹上攤。願汝會得祖師
意。隻亦陶然免涕潛。

無依道人錄卷下

武原無依道人徐昌治觀周甫著

南村釣雪氏僧鑑刪定 門人弘量記錄

五燈嚴統序

粵自三教行而禪道至今日甚盛矣。然禪統至今日
漸淆矣。費隱本師有殷憂焉。去秋未赴徑山時。九月
既望。自福嚴抵禾。招余同詣雲間館。于小崑山房。與
士材李居士將舊本五燈。推詳授受。根究來繇。抉從
前之疑窟。訂向後之信傳。光明正大。為開闢來佛教

無名道人錄卷下
流通一大準。則至洞宗如淨以後。非無續刊。然而影承響接。較儒家之魯魚亥豕更甚。流而至評唱訓詁之差訛。咸得竊名正統。殊增浩嘆。余三人矢公矢慎。溯源析流。採集五卷。皆百禪師苦心徧索。手錄成帙者。比時深愛任事無人。募資乏力。余目擊心賞。慨焉擔荷。束卷南還。輸金購梨。鳩工寫刷。旋到金粟。與百師。又加釐剔。親爲較讐。朝催暮逼。至春初竣業。而後喜可知也。共前翻刻計二十五卷。總顏曰五燈嚴統。茲秋孟徑山老人寄士材序文至。閱之朗朗。揭日足。

令售廣鼎者緘口。余不諳且不文。竊於命名至意。不能嘿嘿而處於此何也。西竺五印。禪脉也。東旦五葉。禪宗也。一分爲五。雖百千萬億。會歸一元。則正統當覈五。殺於一。則建幢立法。漸至不可思議。則閨統當稽況。別戶分門。慮不無長短。簧鼓則合而分。分而合之。統當辨夫覈也。稽也。辨也。皆嚴也。嚴與刻相反。而毋縱毋濫。非我是人。非以爲嚴。余幼習儒。曾選刻歷朝盤燦典。則芳摹經書二指行世。可不負儒長而從佛。未登賢書之籍。先廁密室之名。亦爲選刻諸經指。

南高僧摘要醒世錄法華經卓解金剛經會解數集
今費老人與百禪師前引後接左挈右提事事相扶
心心相印箇中旣通消息功名等若浮雲遂棄公車
猛圖佛乘所以茲編合掌承當跂足立就執鞭從事
以心之所欽樹天下萬世之防敢曰有功於禪庶幾
不負禪云

序徑山志

壬辰新夏日書于
雙徑留玉樓中

天下名山惟徑山形勝鍾靈獨異天下古刹唯徑山
叢林帝寵獨隆余素心慕未一登覽喜費隱老人

主席茲山因五燈嚴統鳩工未竣過余相商鹽城
士大夫諸善信若赤子久失慈母各負米供養須臾
而纍百石費老人曰歲儉荷蒙多助心殊弗安不五
日而旋旆余不忍遽爾分袂一路伴行至構李先大
司馬元仗兄曾孫輩攀留齋贖捐粟盈乘抵塘棲沈
姓者裹糧以待絳纜而贈其至誠感人隨地輸將如
此四舟銜尾梯航而濟亦不五日而入山但見諸峯
環拱秀采迭呈夾道皆參天古木密布俱插地新篁
蒼蒼欲滴翠翠若流勢似奔而紋迴形似伏而神聳

無不道人錄卷下
應接不暇。霽色可餐。將入門而羣賢屏列于巖側。及登堂而龍象交叅于庭前。余迤邐于後。覩此肅肅威儀。整整法幢。而後知有其人。而山始霽有其法。而人始重非偶然也。甫憩息。聞費老人持徑山志稿示余。陡誦因具悉國一祖師欽開山時。神龍獻地而井樹。降于古菩薩現形而巨石喝三塊。代宗皇帝賜號禮同弟子名臣三十二。皈依稱列門人。德宗璽檄。憲帝碑銘生而聖隆九重。沒而流風百世。後雖名師輩出。芳躅漸稀。迨二十世而大慧禪師復振前徽。爲此山

中興法主。縉紳入室。有無垢不動。諸軒衲子坐夏。計一千七百圍繞。佛法冠天下。聲名溢京師。出山入山。無改節。賜紫。賜號有餘哀。綱要五冊。詔入大藏。卓哉盛事。誰堪匱美。幸元叟端禪師。值至治壬戌。徑山虛席。宣政行院奏請補任。璽贈金襴袈裟。適道家言上章謁。天帝爲選徑山四十八代住持。天闕不開。正符其數。師朝京。夢山潭龍君。持金匙舉食。師主法席。十八春秋。亦其讖也。自茲南楚禪師而下。月林禪師以上。計八十七世。歷唐宋來一燬于慶元。已未住

持元聰新之。兩災于昭定。癸巳淳祐壬寅。無準禪師營之。及雲妙高之世。至元乙亥己丑。疊火屢捐衣鉢。悉力營構。盡更舊規。稍稍安居。明正德以後。越今幾二百年。主席不定。宗乘久虛。去來者等若傳舍。負隅者認爲故居。茲順治庚寅。費老人赴衆檀護之。請來主斯席。以實心行實事。絕無人我是非。以道力轉法輪。具見超佛越祖。目擊宗祖之逼處。西偏也。爲之建祖堂于殿之左。不忍碩德之無稱于後也。爲之建名宿堂于殿之右。方丈窄隘。創于殿東。亦規模不得不

如此。初非居求廣也。以山之靈。振老人之法。以老人之大機。大用煥目前之五嶽。凌霄法席有餘燠。山色有餘輝。座下英賢。振鐸諸方。大剎廣布。聲施咸以。祖宗眞血脉。滴滴流傳。宜其開拓宏而垂休遠也。余徧陟峻絕。遠眺層峯。不覺泫然。下憶先君。資善大夫星魯公。年踰九旬。時頌此山爲佛窟。而弗克躡足。二先兄大司馬忠烈。肩虞公。拉余同游。竟王事驅馳。杳焉齋志。余雖不顧身家。疏聞當宁。上贈下廕。際此一游。一不游。能不撫心長嘆。長兄光祿。型唐公。登眺尋

無依道人錄卷下
龍。爪。高。低。俱。置。不。道。能。臥。游。諸。勝。然。兀。坐。蓬。窓。余。儒。
而。釋。者。也。佛。門。大。事。外。無。大。事。竊。欲。以。昔。日。靈。山。會。
爲。今。日。徑。山。會。舉。四。十。九。年。吞。吐。未。盡。之。機。緣。仗。費。
老。人。重。重。拈。出。余。則。以。今。日。維。世。心。印。昔。日。維。摩。法。
舉。八。十。七。代。住。持。已。成。之。公。案。俾。余。不。肖。一。一。追。扶。
近。閱。老。人。進。山。法。語。如。追。回。臨。濟。家。風。振。轉。列。祖。鼻。
孔。尊。宿。當。年。如。寶。集。無。窮。三。昧。瀑。空。流。等。語。不。覺。鼓。
掌。大。悅。庶。幾。哉。撐。天。立。地。于。今。見。繼。往。開。來。永。賴。之。
謹。序。

百和尚全部語錄序

宗。門。之。語。語。法。也。正。所。以。語。心。也。蓋。此。心。法。不。容。擬。
議。不。容。限。量。審。時。度。節。隨。因。遡。緣。或。語。地。或。語。人。或。
語。語。或。不。語。語。乃。稱。獨。步。者。曹。溪。而。上。莫。以。喻。其。前。
頌。開。來。者。太。白。而。下。反。若。窄。其。緒。而。不。知。語。雖。不。同。
心。無。二。心。法。無。二。法。也。惟。心。法。昭。而。筆。墨。皆。生。動。齒。
頰。皆。馨。香。我。法。兄。百。翁。悉。備。而。光。大。之。有。才。而。若。無。
才。具。識。而。若。無。識。捷。得。心。印。而。若。一。無。所。得。廣。傳。賢。
聖。而。若。一。無。所。傳。恂。恂。然。一。舉。一。動。皆。實。心。一。咳。一。

吐皆實意。真不可語。何嘗不語其似者。似不可語。何嘗必語其似者。語所當語。何嘗不語其真而似。似而真者。語所不當語。何嘗必語其真非真。似非似者。總之。千百年之血脉。流傳于此一語。千百世之肩荷。弘護於此一語。此而猶得謂一人之事業乎。此而猶得謂一世之文章乎。吾披閱再四。爽焉若失。西江之可以一口吸也。茫茫大海。亦復如是。東山之可以小管登也。巍巍泰山。亦復如是。吾深羨其如是。竟不知其何以如是。建甌之水。萬里濯足。倒峽之勢。千仞振衣。

至於靜裏傳響。冷地發燄。尤在善解者。迎其刃焉。

闢邪題詞

余佩服儒教。攻苦有年。蓋通晝夜寒暑。而行住坐臥。于此中方以未得理道爲憾。忍聽邪說亂之也哉。日兢兢焉。以一善之得一隙之明。急爲傳布。嘉與流通。何帝典王謨。名臣烈士。貞夫節婦。不一一表章于帙中。迄上古中古。當時君相。豐功偉業。咸密密哀崇于言外。無非以大經大法。迺人心而開人目。使異說不得乘函中也。偶於中秋。偕費隱禪師。連舟詣禾。迎密

無依道人錄卷下
老人見其案前所列諸書。若痛斥夫邪教之。以偽亂真。貶佛毀道。且援儒攻儒。有不昭其罪。洞其奸。彰灼其中禍于人。流害于世。胥天下而膺之。懲之不已者。南有宗伯。北有諫臣。呢呢疏論。其猾稽蠱惑之奸。已稱直窮到底。闕諸君子。浙諸大夫。侃侃糾繩。夫以技術巧。以利誘愚。口誅創異。筆伐黨同。何啻張膽明目。至于雲棲。有說密老。有辯費師。有揭邪之不容。擅正也。纏纏數千言。佛與儒同一衛道之心矣。費師又慮巧偽易滋。除蔓匪細。不合諸刻。揭諸塗。使人人警省。

在在聳惕。焉能戶爲說。而家爲喻。因以數帙授昌治。編其節次。臚其條款。列其名目。一種憂世覺人之苦心。洞若指掌。一段明大道。肅紀綱。息邪說。放淫詞。較若列眉。于中刪繁就簡。去肉存髓。凡一言一字。可以激發人心。抹殺異類。有補于一時。有功于萬世者。靡不急錄以梓。

百癡元曰。追金珠玉。字字光鮮。遡本窮源。言言慨切。一以維持名教。一以輔弼祖庭。世道人心。裨益豈淺淺哉。子輿有言。吾爲此懼。閑先聖之道。距楊

墨放淫辭邪說者不得作於觀翁見之。

序雲濤集

黃檗隱元禪師。費老人法嗣也。其悟道則有行繇。其建幢則有語錄。不具論。祇如負擔禿天童。登祖堂掃祖塔。渡江而北。詣金粟觀師。不肖始得一接。色笑見其巍巍器宇。稜稜俠骨。滿口珠璣。徧體德業。而後知身任道法者。如山之峻。如海之汪。未易測度。高深也未幾。振鐸福嚴。結茆爲廬。問道環堵。不肖于庚寅夏。壽費老人于此山。而具悉其澹泊平易。不擇地而引。

掖如此。辛卯冬。良上人捧師雲濤集募刻。陡誦一字。一眞金。一語一至寶。如復轉檠庭之淒涼。甘如飴。儻焉盛大履如素。點綴十二峯于紙上。人得披卷而領畧。剖示十四景于目前。隨在借喻。以顯眞。此津梁筏也。此指南訣也。余喜而捐貲相助成帙。且爲一序。顛末凡寓目者。幸弗以寄情適意爲一時酬對。選勝之書。而作文字會則幾矣。

題靈師語錄序

捐金建菴。供養大善知識者。道眞也。命名直指。廣示

無依道人錄卷下
人心見性成佛者。徑山老人也。奉法惟謹。守先待後。而提唱宗乘者。老人法嗣靈岳禪師也。余于鹽官領其披膈心爲向往。茲于雙徑接其警效。益切神依。似不能嘿嘿處此。然而不能無慨于今日也。有等認唾餘作生涯。珍糞團爲至寶。弁髦一切。我慢上人。呵呵鼠喫。貓兒飯。推枕落地時。活潑翻身轉。一句半句從何著。乃誇多鬪靡。謬認見過于師。不顧籌可入室。而止取肘滿縱橫。迴思築拳脇下。轉師黃檗者。究成往事。一似主伯家。以亞旅爲勝。朋黨中以羽翼爲先。那

知壯士展臂。獅子游行。渾身脫落漆桶底。窓櫺怎過水牯牛。接引一滑。則龍蛇雜進。若廟若祠。盡做開堂勝地。擎拳豎指。便稱說法宗風。承當既謬。演法日早。嗚呼。鴛鴦繡出從君看。金鍼終不度與人。遠之遠矣。自此而依稀彷彿道場。便滋圖利。徇私外護。如缶醯黃蚋。聚之有酸。盲以引盲。僞以附僞。彼此相蒙。日淪污下。祖庭誰爲撐扶。宗綱立見頹敗。此皆旁蹊曲徑。舉光明正大直截現前之道。而故違之。宜老人有概于中。汲汲指點。而菴稱其名。靈師步趨其內。舉揚箇

事而名踐其實。正是象王行處絕孤踪。一堂授受有的據也。昔庖丁批卻導欸。一朝解十二牛。而刃若新發于礪。竊于靈師有厚望焉。雖然。余亦多此一番饒舌。牆外鳥啼聲已碎。盡在搖頭不語中。是爲序。

百癡元曰。鬧熱時病中。一帖清涼散。

序寫峯
天下叢林皆善知識。說法度人之地。恬退者必藉靜室爲憩息。其未出山者亦每構一椽。創一址。長養法幢。嫻習矩矱。爲他日大行廣布之始基。如示方法。姪

本師費老人之孫。孤雲兄之子也。建刹于鹽之北關外。新篁密插。古柏高擎。梅環于左。水流于右。前有雉堞。後有勺居。東濱大海。西峙浮圖。毛父母寓目。心喜。題曰寫峯。明明祇樹園而不寫。明明舍衛城而不寫。明明阿耨池而不寫。明明竹林精舍而不寫。而所寫者峯也。豈以東南之秦。駐稍遠。西南之紫雲。尚遙。必欲東北起一層巒。西北障一天塹。而百鳥銜花之異。竟在指顧間乎。一峯而該千峯。萬峯。萬峯千峯。而統于此一峯。俱無暇論。總之有竹有梅。有泉有石。界東

集行道人錄卷下
藩爲佛室。邈西舍若雲居。海濤與梵音同韻。松風與
林吼齊聲。莫道閉門不是深山也。

釣雪鑑曰。奇巧疊出。是蘇黃小品中最佳處。

法華經卓解叙

諸經皆修行軌則。獨法華妙義。殷殷開導。殷殷示方。
便法門。種種曉喻。種種現接。引神力。務使未信令信。
未解令解。未善生善。已善增長。豎窮三際。橫亘十方。
在在醒人敬禮。處處肅人遵奉。借權顯實。而實之真。
體躍躍在吐露間。懸一而三。而三之。指歸隱隱在趨。

步外予年屆八旬有五。精力日憊。資用日窘。回思大
恩未報。駒隙空延。急集法華諸論。而天台智師之科
註爲詳。師詮藏通別圓四教。而藏中菩薩乘。概隸爲
小。不無遺議。復檢清涼國師小始終頓圓五教。揭其
全宗。細將七卷句爲逗節。爲解一登繕帙。便付剞劂。
彷彿昔賢豪。秉燭夜遊之意。亦俾速于披閱。心目蚤豁。
如杲日麗天。萬象靡不領其光。荷其焰。此經分疏。明
了自軌軌他。或得有功于法寶。有益于人心。有利于
天下後世焉。若介介擬議于如何妙法。如何蓮華。是

無住道人錄卷下
不覩透本根。徒枝尋葉摘。奚補哉。

金剛經會解了義序

予於戊辰燕邸考授別駕時。誦起金剛經。閱今三十
五載。口爲誦而心無解。欲以不解解之初。非此可解。
彼不可解。又非有可解。有不可解。竊嘆義味。何如是
深奧究竟。無淺如何有深。無顯如何有奧。大而世界
此也。細而微塵。此也。明明可舉。似明明無可舉。似繁
而生類。此也。約而四相。此也。實實有係屬。實實無所
係屬。法可說而法原無法。併說亦無說。物可度而物

無其物。併度亦非度。上而授記無授記。下而受持無
受持。中而演說四句偈。無從而演說。諸相不立。歸于
無我。造作不生。泯于無爲。總之無可住之法。便無可
住之心。有住而無住之心。卽是不降而降之法。故護
念非不諄切。而去來坐臥先無定。付囑非不叮嚀。而
夢幻泡影。誰是真。予徧搜諸解。俱不過會文絜義。尋
章摘句。爾已。于其中煩者汰之。訛者訂之。晦者醒之。
倒者整之。前後呼應者。暢其詞。虛實轉變者。通其意。
謂直迦靈山會上。覲面吐露。覲面稟承。世尊不說說。

須菩提不聞聞阿難結集于儼然未散時。而會取當日情景。余則何敢。若以堅利喻金剛。余則曰堅莫堅于此心。利莫利于此信法之心。心光卽是佛光。人人有現成般若。證佛不如證心。在有捷徑六波羅蜜。至于非名是名。正第一義難形容處。如云日出西方。夜落東。桃花雪白。李花紅。何獨不殊。

資聖募建雲水房疏

法門功德。齋僧爲上。而接待行腳。使至者如歸。又齋僧中喫緊事。近法兄破堂頭。闡化延納。四方衆徒。食訖卽去。以無安單也。茲山東客僧傳正。號澹菴。目擊屋窄地寬。發願叩募。啓建數椽。一以便雲遊往來。一以專學人觀聽。因此僧係先胞兄肩虞公。巡撫山東時。曾爲屬吏。遇亂長劊。籍此功行。以了夙緣。浼予弁首。予已住靜南郊。一切付不聞不見。因此僧懇請之故。及與破和尚來諭。辭之不克。聊爲捉筆。所謂供養百千諸佛。不如供養無心道人。特以告諸具眼者。

重建眞如塔疏

按切利天城東有佛髮塔。城西歡喜園中有佛鉢塔。城中御駕園中有佛牙塔。至阿育王造八萬四千塔。救閻浮提及于海際。城邑聚落滿一億家者。卽爲立塔。此時欲得舍利供養。遂將四部兵衆。至王舍城取阿闍世王佛塔中舍利。又取七佛塔中舍利。以金銀瑠璃玻瓈。篋盛之。復作八萬四千寶瓶。以盛此篋。從來舍利有三種。骨舍利。色白。髮舍利。色黑。肉舍利。色赤。後孫權時。沙門康僧會。極言舍利應現無方。權曰。

何在。會曰。佛神迹感通。所求可獲。權卽委會求。經三七日。至誠禱請。遂獲瓶中。且呈于權。光焰宮殿。權執餅瀉于銅盆。舍利下衝。盤卽破碎。權大驚異。會曰。佛之髑骨。金剛不朽。劫火不焦。槌砧不碎。權使力者盡力擊之。槌砧俱陷。舍利不損。光明四射。以是知建塔難得。舍利又難。今文節法師重建眞如塔。殫思締造。四層工程浩大。又三處得舍利五顆。因緣巧奏。出自天助。豈人力哉。丙申春仲。詣鹽西林菴。開講楞嚴尊經。募諸善信。隨緣喜捨。以竟前功。洵是垂絲千尺。鉤

還曲利物多方語帶悲若不體究說法本意思說者
說到盡未來際也說不了卽聽者聽到盡未來際也
聽不了故行到水窮處還當坐看雲起肯願令如幻
如夢之衆特發如饑如溺之心圓成如金如剛之塔
方爲烈焰堆中撈得月否則趨向眞如亦是邪
釣雪鑑曰文節只造一座塔觀翁便現出種種塔
樣文節以土木瓦石爲塔觀翁以筆墨心筆爲塔
且道誰優誰劣具眼者試定當看

塔塘橋序

聞之檀那六度利濟爲最上乘故造殿裝佛雖不漏
因非見世事緊渡口灘頭絕流斷岸雨夕風辰黃昏
午夜行人天塹徬徨苦海所謂人天路上現前功德
惟此特著矧塔塘橋匪僻處一隅鹽邑抵郡固取道
而七壤萬靈率由利涉陡然缺陷挿翅勿能胥溺是
思此住持道人海澄宏願適新弗憚五體投地借筏
彼岸也我父侯快閣劉公俠骨慈腸生秉慧根性具
上器規政罔不嘉惠氓庶此舉慨俞所請捐廉爲厥
指南仁衆生仝脫迷津悉躋覺路則又不寧嘉惠余

無何道人錄卷下
鹽將闔郡諸壤。咸利賴焉。余慚穢線。能弗仰崔嵬。以
足高瞻。沉滌而神遠乎。頃歲凶粟踊。朝夕不遑。余亦
何敢向窶子爲不情語。語夫素封家。與其積之不散。
何如擲其必朽。造乃無量。昔人竹橋渡蟻。食報鼎甲。
夫蟻猶異類。善且天知。救我血氣膚髮。更當什伯。雖
然卽不食報。見險道化金城。沙界盡攸往。必多懼喜。
趣然則宰官居士。隨其產力。或出金錢。或輸子粒。共
作權喜想。雖寶筏金繩。筏以加茲。余不文爲募引緣。
亦推廣父侯德意。而爲大衆勸。併爲海澄道人勸。但

得已。心堅似鐵。他心雖鐵也。須穿。

送寧波總戎馬岡伯書

老親翁榮轉南中督。府方出莫海國。旋入衛邦都。事
業文章。古今來不少。概見第辱在取契。雀躍胡可言。
喻未審何日錦旋。第當走武林。道傍樞迎。把晤茲有
啓者。第月之望于禾千。晤天童密雲和尚。談及老
親翁崇禮護法稱誦。謂再來人。近因彼處一士夫不
合。飄然出游。曾無繫戀。今又爲海道王老公祖慰留。
腕懇使命交臨。各邑鄉紳致郵盈案。和尚慈悲忽發。

歡。殊。就。衆。請。焉。總。之。有。道。之。人。去。從。皆。理。喜。怒。無。私。
弟。皈。依。已。久。知。莫。可。効。讚。嘆。但。願。台。駕。將。發。時。一。俯
臨。其。地。便。足。重。山。霧。至。若。挽。轍。之。道。臺。乞。掄。揚。其。休
美。勸。其。永。作。鎮。護。更。望。台。晤。撫。臺。備。言。和。尚。之。品。行
與。化。導。委。委。王。法。佛。法。相。爲。表。裏。使。秉。鉞。者。亦。起。敬
心。一。二。鑠。金。遂。不。得。乘。而。中。焉。老。親。翁。之。種。福。與。維
持。調。護。者。而。俱。深。也。第。一。腔。熱。血。不。覺。言。之。媿。媿。

木老人北遊集中

上問老莊悟處。與佛祖爲同爲別。老人云。佛祖明心見性。老莊所說。未免心外有法。古人判他爲無因。濫同外道。

上云。孔孟之學。又且何如。老人云。中庸說心性。而歸之天命。與老莊大段皆同。予因衆議稍窒。致書老人。乞將段皆二字。易不相二字。便見孔孟與老莊大不相同。老人復書不納。箴云。世上皆知孔孟不可及。予一人何苦爲他出氣。爭箇落處。諄諄尋孔孟落處。那如

汲汲諦審自己落處。况天地開闢三教並興。道本一
致。教立殊途。游夏不能贊一詞。予又何必置一喙。有
不明處不妨疑。著有不到處不妨歇。著種種辯說。種
種枝節。

鈞雪鑑曰。凡人不識自己。所以不識孔孟。不識孔
孟所以離枝脫節。并不識佛祖矣。三復觀翁語。使
人眉舒神豁。

辛丑年紀事

繼和尚之住金粟也。殉一人之見。不謀于衆。不聞于
鹽奔走當事。爲壓服諸護法之計。且繼公曾受托許
藏老人嚴統版八百餘塊。及攜板至靈巖。悉送杭州
銷毀。未免老人介意。因授遺稿。有二刻布告十方。但
此嚴統內前四卷末五卷。皆昌治捐資刻成。以此推
敲。進院遲至六月十五日。方孺對張侗老。召認刻還我
板。因子三十四日。那金購一新做塔樣。小而精巧。
此時河涸。止可力盪。復捐工費。作料。匠人刻字。人寫

無修道人錄卷下
字人一齊入山。造成費隱容禪師舍利衣鉢之塔。明
尊舊住持也。車和尚靈骨塔。先居東首。此塔居西書
一扁燈。傳處塔成之日。適堂中末法老僧。不喜老人
建塔。破口背晉。塔成後。此僧經行塔院。一跌而歿。豈
非天有威靈乎。七月造老人像入祖堂東邊。置一大
扁。張侗老題贈光前裕後。昌治跋語。顏額右曰。老人
住持金粟。十有一禩。兩值款收珠桂。維艱鉢孟再弄
用飽禪和困。而益亨次逢。鼎革人心惶惑。左右棘
荆。老人晝夜綏戢。內外訓諭。漸得平安。危而益定。戊

子出院。徧請鹽城紳衿善信及大眾。卜請住持。百和
尚于伽藍神前。一聽龍天推出。公而益普。後住天童
住徑山。住維摩。住福嚴。時刻以金粟爲念。身遠而心
益親。今尸祝祖堂。理固宜歟。

中一間密老人。東次間費老人。百次間車和尚。三位。尉像莊嚴煥發。昌治生歡喜心。開授筆而賦二聯。宛于和尚大書于柱。
父父子子一條白棒。接人天中。與濟北宗風。
兄兄弟弟兩道奇眉。掀日月式。橫越南法象。
時千峯息乾示方爾。微雨子一孫送。
像歸家權叙枯偈。
画艇停棹泊佛門。高臺三座映乾坤。
八人賓主襄師事。斗室時披肝膽昆。

鈞雪鑑曰。金粟爲祖宗法窟。無論創自赤身之年。其來已久。卽密老和尚。以至于今。燈傳薪接。亦五十餘年于茲矣。住持此席者。固難護持。此山者。更難。觀翁以大公無我之心。扶薄沲單提之令。俾危者安。斷者續。自非具大願力。大手眼。曷能始終若此。觀辛丑記事之文。具悉其婆心苦衷矣。

歷叙一生艱苦

予大父誥。贈資善大夫兵部尚書。定溪公。生子。予父最晚。予父亦以仲兄貴。贈官如祖。初則蕭飭清儉。株守士也。舉子時。父年三十有六。母年三十有七。同胞八乳子。第六乳也。前兄五。間一留一。予與三兄。次第相接。後又生弟。父母以予適逢間數。斯夕憂危者六年。訓讀皆口傳。未嘗寓目。七歲。卽隨父館于硤石。鎮陳嶽雲鄭吉山家。課而不督。至十二。尚未開經。或咎太遲。父輒嗚咽。對云。一年未出痘。一年不責。以成人事。

及十三見痘。父母憂危特甚。時值歲荒。荒歉無力延醫。遇渴則療。以黃連遇瀉則喂以肉果。閤家痘瘍十三人。而予獨全。皆吾父慈念殷殷。有格上蒼也。十四五時。閱文試筆。便曉播弄。隨父館于浦漾。黃九臯家。與陸葆老總州會藝。砥礪鼓舞。頗稱相愜。次年隨二兄館于橫山。張紹南家。與張睿老朝暮相見。睿老尊太孺人。極重師傅。隆賓容歲時供饌。頗豐。既而試苦府關。幸杜父賞識。獎借郡侯。得同沈菁老游泮。其年跨鳳。適遇二兄鄉薦。髮妻許克勤克孝。克相予讀。無珥

可脫。無生可謀。祇以紡織微貲。恪供堂上。及睹二兄之褒封。而後知口腹之承。雖歡小孝爾。予意欲成其大者。更攻苦罔懈。冀就厥志。己酉長男乾貞生。壬子不與觀場。退而結網。寒暑弗輟。甲寅錄科。宗師周擊節。予文對七邑。讚美不啻舌敝。謂是秋定舉高魁。而四入浙闈。俱遭則足。丁巳次子拱樞生。時先人分撥鄉屋。予爲欲依膝下。供甘旨。讓祖房于大兄。而卜居于城凡四易市廛。始構室。身龍潭西住之。辛酉三兒升貞生。穉祿甫三。而偶喪上有兩高年。下有諸藐孤。

俯仰俱困。睹聞皆慘。萬不得已。續弦大司空康禧。屠公之孫女。柔順孝敬。視前若出一轍。而寬和愛育。直泯然于前後際焉。是年四兒蒙貞生。冬杪先母黃太夫人辭世。值三先兄和州樞歸。連遭二喪。兄弟三人。奠奠奉垂暮嚴君者。十有四年。予一椽雖構。產止數百小試。覺利而大試。輒鈍。苦塊餘生。選刻鑿燦。芳華書旨者。無意青紫也。庠餼可捨。貢銜可考。而不卽安府倅。實不願一生寤經。竟登榜外戲場爾。二兄備兵漁陽。一病幾殞。庸醫過表致虛。柴蓮老驟補患。結予

適到二兄執手流涕。口啞不能言。予兩者皆排拜。禱于天。筮得七日來復。勿藥有喜。靜伴七日果愈。代爲料理軍政糧儲者。浹月。皆當今浙閩總督陳公祖時在道廳。一一文移。商畧批發。入都未期。輒遇兵困。仲季兩兒不候平寧而急返。一甫八齡。一甫十二。予明爲之喪。膽爲之裂。究獲抵家。張用僕承值之功。沈宗老提挈之德。不容泯也。邸中楚囚相對者。吳石老。陳芳老。錢貞老。楊泰老。四人耳。辛未二兄量移武德。監軍入萊。拜巡撫。命予適取道東省。方伯勞金老目

擊時艱涕泣而談子忘其爲書生而慨焉起澄清天下之志一時知有兄不知有身知有國不知有家舉向來兵家之積弊與目前掩敗之覆轍縷縷指陳歷歷証據南大冢宰謝珍予疏一字不增減直達睿聽濟南道葉憂子危子髮爲白冠爲挂二兄竟以身殉城子襲兄家眷南還卒得上褒下廕藉此舉也并附後每見父愁日形于面百般承順終快快不樂心口自語安得有繼武者俾冷淡世情不至當吾身而親見子聞言鼓舞卽以誦讀當色養誓不梯榮南國

不爲廩親誓不焚膏刺史不得回天負擔走秣陵入試時主內簾者丁蔣兩老師秉公持正同坐同閱予房師易六房吳也得予卷大爲踴躍手不停批口不停讚呈送兩師兩師曰機沈養到力厚調古掄元之作急中卽此便是天相予處卽此便是予得天以挽親心處報捷之夜吾父莞爾笑曰癸卯親見二兒浙榜標名癸酉親接四兒南闈報錄今而後喜可知矣丙子因居窄復式擴于楊橋之北首菊月父躋九袞子孫家屬以千計稱觴階前陶然樂也交冬漸減飲

食予心憂之不赴公車。至丁丑仲月五日坐臥自如。忽發暈逾晷醒而取誥命軸。交冢孫伯園。值伯園侍衛京師。呼僮一展而授之。燕語自若。恬然而逝。子與大兄哀毀絕粒。奈人事雜稠。不克雞骨支牀。勉爲哭泣備禮。越二載安厝大蒲山之巔。遺產四分各受。蕩田百畝遺衣悉賚戚友之不給者。予伏而思曰。賢父賢祖不得忝列俎豆于心。何慊遂殫心力叩諸當事。凡三詳三勘論定而後得。府縣並祀鄉賢。此夷辰三月正五兒頤貞所生月也。甲申神京破。六月嘉興

破八月鹽城亂。兵鼓噪。府堂一炬登燼。延燒隣房。予家止隔一街。天反風幸而獲免。筮得城外西北吉。卽出北門。到朱年兄修老家。次日到新行崔寧侯家。念三日凡旅泊于豐山間者大半遇害。予鄉居資釜器用舟楫盡失一空。十月還城。食物用物件件購辦。男衣女飾一一不周。予嘆曰。巢破偶存。復認安居。丁散偶聚。復珍眷屬。口經食貧。復圖飽腹。真大惑不解之人也。庚寅憩郊園。適文節敎師在苑勝講楞嚴。朝往暮返。大有會心。覺數十載全身護持金粟。皆外護。非

內護猛然心徹宗乘身擔佛法未離世而竊不卽世
雖居塵而志不染塵洒洒落落笑傲園圃如費老禪
師百癡禪師題園韻予和曰富貴非吾願花鳥聊適
觀斗居堰容膝種地不求寬戴笠幾忘暑披裘可禦
寒高賢時下榻論古有餘歡九月損貲助刻傳燈嚴
統五卷辛卯竣業親爲之序復蒙費老人以偈與拂
親承手授因念肩任之重遂將目前居室所有悉分
而給諸後人因著脫家分家二偈此身泊然清淡子
焉赤條所可信者此中曾不壞今更自承當廻視得

子而教子長而婚四成立者各青其衿三拔貢五肄
業太學頗知自勵乾貞娶州守朱葵老女孝廉如日
姊也舉孫一秉節豐山罵賊烈死不啻奇男子續配
許庶生孫一拱樞娶北兵副郎胡孝老女舉孫一升
貞娶陳子老女孝廉子木公繼女也舉孫二許出蒙
貞娶孝廉朱迎老女出劍孫一屠出願貞聘癸未進士
許元老女生庶孫李出五姻之費固已不貲一生課
讀婚嫁居住財用之累猶可言心情之累不可言處
順境而支撐猶易際逆境而奏泊更難子苦也哉有

9
170
1
2
3
4
5
6
7
8
9
180
1
2
3
4
5
6
7
8
9
190
1
2
3
4
5
6
7
8
9

無傷道人錄卷下

此身之為苦今樂也哉無此家之為樂前後若殊觀
身世總一視天勞我我奉之天成我我疑之過此以
在未之或知



其與則于亦大者與于本公樂之出學
其與則于亦大者與于本公樂之出學
其與則于亦大者與于本公樂之出學
其與則于亦大者與于本公樂之出學
其與則于亦大者與于本公樂之出學
其與則于亦大者與于本公樂之出學
其與則于亦大者與于本公樂之出學
其與則于亦大者與于本公樂之出學
其與則于亦大者與于本公樂之出學
其與則于亦大者與于本公樂之出學

二
十五

9
170 1 2 3 4 5 6 7 8 9
180 1 2 3 4 5 6 7 8 9
190 1 2 3 4 5 6 7 8 9